



Senin, 28 Agustus 2023

Ogen : 1 Samuel 25:20-22



Pang Jumpa Ras Daud



Lit sada ilustrasi si tahu-tuhu mbages maknana. Cubaken belgang 3 bahan enda, tinaruh, wortel ras bubuk kopi. Jenari pernen ulihna. Adi tinaru kenca belgang, ia jadi mekeng. Wortel kenca ibelgang jadi medate. Tapi bubuk kopi kenca ibelgang reh rimna. Bage me tipe-tipe kalak si iproses Tuhan bas kegeluhenna. Lit kalak kenca ndatken persoalen, tantangan jadi kalak si mekeng, mersik ukur. Lit kalak bag wortel, medate kinitekenna, meripuk la ersisa. Tapi lit kalak bagi bubuk kopi reh rimna ras banci ngkuasai keadaan. Kita pe banci jadi bage, adi Tuhan tetap siban jadi penggurunta.

Abigail, kenca ndatken berita kerna perbahanen Nabal perbulangenna. Iteruh ancamen Daud, si sangana melas pusuhna sebab Nabal desken mbalas air susu dengan air tuba, labo ia jadi surut, tapi keke kinipangenna. Jumpaina Daud si reh ibas deleng Paran nari. Mewakili Nabal perbulangenna ras kerina keluarganya. Lanai iukurkenna keselamatenna, keselamaten anak jabuna jadi utama.

Arah ranan sibelaskenna surut ukur Daud. Ibahanna maka Daud la ndabuh kudas dosa, janah kalak si la ersalah la ndatken kematen.

Erjuang guna kebenaren, bageme arusna kita kalak sierkiniteken pang ertindak bas kegeluhen. Sebab Tuhan ngkapiti kita singgit njemak kebenaren guna naluken kejahatan bas doni enda. Guna sie mari tetap ertoto kita mindo gegeh man Tuhan, maka pang kita erjingsang njumpai kalak sierkuasa guna nehken kekelengen ras menegakken kebenaren ibas keleng ate.

Tuhan ngkapiti kalak si pang ndalanken kebenaren

